

Smart Step

Program:	INTERREG IPA prekogranični program Hrvatska - Bosna i Hercegovina - Crna Gora 2021-2027
Projekat:	Pametna rješenja u energetske tranziciji proizvodnih preduzeća - SMART STEP
Projekat implementiraju:	Centar za razvoj i podršku (CRP) Tuzla, Tuzlanski kanton, Brodsko-posavska županija, Sveučilište u Slavanskom Brodu
Broj ugovora:	2024 HR-BA-ME00008

Poziv za studente i učenike srednjih škola za izradu kratkih filmova

Festival kratkog filma na temu zelene tranzicije

Centar za razvoj i podršku (CRP) Tuzla, zajedno s projektnim partnerima Tuzlanskim kantonom, Brodsko-posavskom županijom i Sveučilištem u Slavanskom Brodu, u okviru projekta SMART STEP – Pametna rješenja u energetske tranziciji proizvodnih preduzeća, poziva studente i učenike srednjih škola da se prijave za učešće u prvom izdanju Festivala filma.

Pozadina i cilj festivala

Projekt SMART STEP podržava energetske tranziciju malih i srednjih preduzeća (MSP) u Tuzlanskom kantonu i Brodsko-posavskoj županiji u Hrvatskoj. Kroz dosadašnje projektne aktivnosti, uključujući terenske obilaskе, anketiranje i prikupljanje podataka, identifikovani su realni problemi, ali i potencijali za zelenu tranziciju, povećanje energetske efikasnosti i korištenje obnovljivih izvora energije u malim i srednjim preduzećima.

Cilj ovog Festivala je da se kroz kreativni izraz studenata i učenika široj javnosti, a posebno malim i srednjim preduzećima, približi značaj zelene tranzicije, energetske efikasnosti i primjene obnovljivih izvora energije. Kroz raznolikost pristupa, inovativnost i priče iz lokalne zajednice, filmovi će ukazati na konkretna rješenja i inspirisati preduzeća da aktivnije pristupe zelenoј tranziciji i unapređenju vlastitog poslovanja.

Ko se može prijaviti?

Na poziv se mogu prijaviti:

- studenti svih fakulteta;
- učenici srednjih škola sa područja Tuzlanskog kantona u Bosni i Hercegovini i Brodsko-posavske županije u Hrvatskoj.

Prijava je moguća isključivo pojedinačno.



Projekat je sufinansiran iz ERDF i IPA III fondova Evropske unije.

Sadržaj ovog dokumenta isključiva je odgovornost CRP Tuzla i ni na koji način se ne može uzeti da odražava stavove Evropske unije

Smart Step

Prihvatljiva tema filma

Film treba biti povezan sa temom zelene tranzicije, energetske efikasnosti i korištenja obnovljivih izvora energije, sa posebnim fokusom na poslovanje malih i srednjih preduzeća.

Učesnici mogu temu obraditi kroz različite pristupe: priče o stvarnim primjerima iz preduzeća, kreativne ideje za zelenije poslovanje, izazove i rješenja u svakodnevnom radu, uticaj potrošnje energije na okoliš i ekonomiju, kao i šire poruke o značaju odgovornog korištenja energije, zaštite okoliša i održivog razvoja lokalne zajednice.

Posebno se ohrabruju filmovi koji na jednostavan, kreativan i inspirativan način pokazuju kako mala promjena u načinu rada, razmišljanja ili korištenja energije može doprinijeti zelenoj tranziciji preduzeća i zajednice.

Propozicije festivala

- Filmovi se mogu snimati **pametnim telefonom, digitalnom kamerom, fotoaparatom ili drugom dostupnom opremom;**
- maksimalna dužina trajanja filma je **do 7 minuta;**
- filmovi se dostavljaju u formatu pogodnom za online distribuciju, objavu na društvenim mrežama i, po potrebi, TV emitovanje, uz tehnički kvalitet koji omogućava jasnu sliku, razumljiv zvuk i kvalitetnu prezentaciju;
- prihvatljive kategorije su dokumentarni, edukativni, kreativni/igrani i eksperimentalni film;
- dozvoljena je upotreba dodatne opreme, uključujući mikrofone, stativne, rasvjetu i jednostavne efekte.

Šta učesnici dobijaju?

Učesnici Festivala imat će priliku da kroz cijeli proces razvijaju svoje ideje, unaprijede praktične vještine i predstave svoj kreativni rad široj javnosti.

Učešćem na Festivalu dobijaju:

- **besplatnu početnu radionicu** o snimanju i montaži filmova, uključujući osnove filmskih tehnika, korištenje aplikacija, razvoj scenarija i pripovijedanje;
- mentorsku podršku tokom pripreme i izrade filma;
- priliku da njihovi filmovi budu prikazani na velikom završnom događaju;
- mogućnost osvajanja vrijednih **nagrada za tri najbolje rangirana filma**, kao što su laptopi, pametni telefoni, tableti i slična oprema;



Smart Step

- vidljivost na web stranicama, društvenim mrežama i u medijima;
- diplome/certifikate o učešću za sve učesnike, posebne diplome za nagrađene autore, kao i mogućnost umrežavanja sa malim i srednjim preduzećima, stručnjacima i kreativcima.

Kriteriji za ocjenjivanje

Stručni žiri će svaki film ocjenjivati pojedinačno, u skladu s unaprijed utvrđenim kriterijima i bodovnom skalom. Maksimalan broj bodova koji jedan film može ostvariti iznosi **100 bodova**.

U slučaju da dva ili više filmova ostvare isti ukupan broj bodova, prednost će imati film koji je ostvario veći broj bodova prema kriterijima sljedećim redoslijedom:

1. kreativnost i originalnost pristupa temi;
2. kvalitet priče i način pripovijedanja;
3. relevantnost za zelenu tranziciju i energetska efikasnost malih i srednjih preduzeća.

Kriteriji i bodovanje

<i>Rb.</i>	<i>Kriterij</i>	<i>Maksimalan broj bodova</i>
1.	Kreativnost i originalnost pristupa temi	25
2.	Kvalitet priče i način pripovijedanja	20
3.	Tehnička izvedba (slika, zvuk, montaža)	20
4.	Relevantnost za zelenu tranziciju i energetska efikasnost MSP-ova	20
5.	Uticaj i inspirativnost poruke	10
6.	Poštivanje propozicija festivala	5
<i>Ukupno:</i>		100

Nagrade

Za tri najbolje rangirana filma bit će obezbijeđene vrijedne robne nagrade, kao što su laptopi, pametni telefoni, tableti i slična oprema.

Nagrade će biti dodijeljene na osnovu ocjene stručnog žirija, u skladu s utvrđenim kriterijima za ocjenjivanje filmova.



Smart Step

Način prijave

Prijave za učešće na Festivalu podnose se popunjavanjem online prijavnog obrasca, dostupnog na sljedećem linku: <https://forms.gle/9DgBU9Qd1YDQAJ6LA>

Prijavni obrazac sadrži osnovne podatke o kandidatu, uključujući:

- ime i prezime;
- status kandidata: student ili učenik;
- mjesto i naziv fakulteta ili srednje škole;
- adresu i mjesto stanovanja;
- broj mobitela;
- e-mail adresu.

Rok za prijavu je **1. juni / lipanj 2026. godine.**

Okvirni vremenski rokovi

Okvirni vremenski plan realizacije Festivala je sljedeći:

- objava javnog poziva: **15. maj / svibanj 2026. godine;**
- rok za prijavu učesnika: **1. juni / lipanj 2026. godine;**
- početna radionica i početak mentorske podrške: **10. juni / lipanj 2026. godine;**
- snimanje i montaža filmova: **juni / lipanj – avgust / kolovoz 2026. godine;**
- dostavljanje filmova: **septembar / rujan 2026. godine;**
- ocjenjivanje filmova od strane stručnog žirija: **oktobar / listopad – novembar / studeni 2026. godine;**
- završni festival uživo, u okviru Završnog projektnog foruma, sa projekcijom filmova, dodjelom nagrada i panel diskusijom: **novembar / studeni – decembar / prosinac 2026. godine.**

Autorska prava i korištenje filmova

Učesnici zadržavaju autorska prava na svojim filmovima, dok organizator i projektni partneri stiču pravo njihovog nekomercijalnog korištenja u svrhu promocije projekta, edukacije, javnog prikazivanja i objave na web stranicama, društvenim mrežama i drugim komunikacijskim kanalima projekta.

Lični podaci učesnika koristit će se isključivo za potrebe organizacije Festivala i komunikacije u okviru projekta.



Smart Step

Dodatne informacije

Za dodatne informacije o načinu prijave, propozicijama Festivala i učešću u aktivnostima, zainteresovani kandidati mogu kontaktirati:

Ervin Đember, dipl. ing. građ.
Centar za razvoj i podršku (CRP) Tuzla
Tel.: 035 248-340
E-mail: ervin@crp.org.ba

Pozivamo studente i učenike srednjih škola da se prijave, pokažu svoju kreativnost i kroz film ispričaju priče koje inspirišu promjene, pokreću zelenu tranziciju i doprinose održivijem razvoju lokalnih preduzeća i zajednice.



Projekat je sufinansiran iz ERDF i IPA III fondova Evropske unije.

Sadržaj ovog dokumenta isključiva je odgovornost CRP Tuzla i ni na koji način se ne može uzeti da odražava stavove Evropske unije